

बड 'लेन्ड मुलुग सोलोंसालियाव बर' थुनलाइयाव गथ' थुनलाइ आयदानि सायाव सावराय मेल खुंदों

कक्राझार, 6 सेप्टेम्बर:

बिटिसिनि सदर कक्राझारनि साहा फार्से डेबरगावआव थानाय बड 'लेन्ड मुलुग सोलोंसालियाव बर' बिफाननि थाखो खथायाव सानसेनि हाबाफारियाव दिनै साहित्य एकाडेमि आरो बर' बिफाननि बान्जायनायाव बर' थुनलाइयाव गथ' थुनलाइ आयदाखौ लानानै मोनसे गोनांथार सावराय जथुम खुंफुं नाय जायो। दिनैनि बे सावराय जथुमा फुं बिलि 11.00 रिं गानिफ्राय जागायनाय हाबाफारिखौ बेखेवनानै होयो कलकाता साहित्य एकाडेमिनि प्रग्राम अफिसार मिहिर कुमार साहुआ बे सावराय मेलयाव बर' थुनलाइयाव गथ' थुनलाइ आयदानि सायाव लिरनायनि



बागै फरायगिरि महरै बाहागो लाफैयो सेरफांगुरि जनता फरायसालिमानि बर' बिफाननि गाहाय आदाराम बसुमतारि, बिबुंगोरा मिहिर कुमार ब्रह्म लोगोसे दिपाली केरखातारि, रैरुप ब्रह्म, रुपासि हाजवारि बिथांमोना। पेफार फरायथिनायनि मासिखौ सामलायदोंमोन अनिल कुमार

बर'आ। बेनिनो नैथि जथुमाया सानजौनि 12.30 रिंगायाव जागायो। बेयावबो फरायगिरि महरै बाहागो लाफैयो बिन्दु बसुमतारि, केशब मुसाहारि, लक्ष्मीनाथ ब्रह्म, नगेण मल्लाबर बिथांमोनहा। इन्दिरा बरं'आ बे पेफार फरायथिनायखौ मासिगिरि बिबान लानानै

सामलायदोंमोन। बे हाबाफारिजोंनो लोगोसे साहित्य एकाडेमिनि बर' आइजो लिरगिरि गौथुमनि बान्जायनायाव गागि सुंद'सल' लिरगिरि गबिन्द बसुमतारिजों दान्दिसे गोदानै सुजुनाय सोरजिखौ बिथाड फरायथियो आरो मोगा-मोगि सावरायज्जायनायबो जायो।